

2016 йил - Соғлом она ва бола йили

ILM OLMOQQA INTILISH – HAR BIR MUSLIM VA MUSLIMA UCHUN QARZ-U FARZ

Ziyo chashmasi



ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

№ 1 (240)

2016 YIL 1-yanvar



ISSN-2010-9393

1993 YIL, 21 MARTDAN CHIQA BOSHLAGAN

ХАБАРЛАР

Маънавий ҳордик

ОЛДИК

Ўзбек адабиётининг ёрқин намоюндаси бўлган атоқли адиб Ҳамид Олимжон таваллуди муносабати билан институт хорижий тиллар факультети ҳамда талабалар турар жойи жамоатчилиги ҳамкорликда бадиий кеча ташкил этилди.

Бадиий кечада факультет ўқитувчилари Т. Равшанова, Р. Норбекова, Ф. Норбеков, Д. Муҳаммадиева, А. Муҳаммадиев, А. Рустамовлар иштирок этишди. Талабалар томонидан улуғ шоир ижоди-га бағишланган саҳна кўринишлари намойиш қилинди, дилрабо шеър ва кўшиқлар ижро этилди.

Бадиий кеча якунида сўзга чиққан факультет ўқитувчилари Т. Равшанова ҳамда Р. Норбекова талабаларга ўзларининг самимий тилаklarини билдирди.

Тадбир талаба-ёшларда бир олам таассурот қолдирди.

Зулфизар ТАШАНОВА,
Инглиз тили ва адабиёти
йўналиши талабаси.

«Адолат» галаба қозонди

Институт Маданият саройида миллий ғоя, маънавий асослари ва ҳуқуқ таълими йўналишининг 1-босқич талабаларидан ташкил топган «Адолат» ва «Юристар» жамоалари ўртасида «Конституция-миз - фахримиз, ифтихоримиз» мавзусида билимлар беллашуви бўлиб ўтди.

Беллашув 4 шарт асосида олиб борилди. «Ўзаро таништирув», «Билимлар синови», «Суд процесси» ва «Эркин мавзу» шартлари бўйича беллашув 67:53 кўрсаткич билан «Адолат» жамоаси фойдасига яқунланди.

Абдуғаффор АБДУРАҲМОНОВ,
Миллий ғоя, маънавий асослари ва ҳуқуқ таълими йўналиши талабаси.

Намунали очик дарс

Ўзбек тили ва адабиёти факультетининг 402-гуруҳида миллий ғоя, маънавий асослари ва ҳуқуқ таълими кафедраси катта ўқитувчиси О. Жўраевнинг намунали очик дарси бўлиб ўтди.

Дарснинг ўзига хос ташкил этилиши, талабаларни ўқитувчи томонидан дарсга жалб этилиши ва дарс мобайнида замонавий интерфаол усуллардан унумли фойдаланиш дарснинг ижобий ютуқларидан бири сифатида эътироф этилди.

Биз ушбу намунали очик дарс давомида мавзу юзасидан ўзимизни қизиқтирган барча саволларга етарлича жавоб олдик. Мана шундай дарслар тез-тез ташкил этиб турилса саз иш бўлар эди, - дейди мазкур гуруҳ талабаси О. Негматов биз билан суҳбатда.

Гулноза ИРИСЕВА,
Ўзбек тили ва адабиёти
йўналиши талабаси.

Ассалом, 2016!



Озод ва обод Ватан мадҳи

бузун ҳар биримизнинг гулимизга, тилимизга!

Дунёда суверен деб эътироф этилган ҳар бир давлат борки, ўз давлат рамзлари - байроғи, герби, мадҳияси ҳамда Конституциясига эга. Мамлакатимиз халқаро ҳуқуқ субъектига айланиши, мустақил давлат сифатида жаҳонга танилишида, мустақилликка эришганимиз ва унга эгизак тушунча бўлган Конституцияимизнинг қабул қилинганлиги ётади.

Дарҳақиқат, Ўзбекистон Республикаси Конституцияси қабул қилиниши мамлакатимиз ҳаётида катта аҳамиятга эга бўлди. Бунини мустақиллик тенгдошлари бўлган биз ёшларнинг имкониятларимиздан билиш қийин эмас.

Мустақиллик шарофати ила мустақил тузум даврида ўзининг ҳақиқий қиёфасини йўқотган миллийлигимиз, урф-одат, анъана ва қадриятларимизнинг қайта тикланишига эришидик.

Миллат таракқиётини яна бир юқори поғонага кўтарган муқаддас неъмат Бош қомусимизнинг шiori сифатида жаранглаётган «Озод ва обод Ватан, эркин ва фаровон жамият» тушунчаси қанчалик бир-бирини тўлдириши, бугунги кунимиз, яқин ўтмишимиз ва биз яратмоқчи бўлган фаровон келажгимизда ўз қиёфасини кўрсатмоқда.

Умуминсоний қадриятларга содиқлик, халқимизнинг маънавий меросини мустақамлаш ва ривожлантириш, инсоннинг ўз имкониятларини эркин ҳимоя қилиши, ватанпарварлик, фидойилик, жасорат, тadbиркорлик каби тушунчалар билан боғлиқдир. Демак, айтиш мумкинки, Конституция бизга ўзлигимизни англаш ва қадрлаш туйғусини берди.

Бу йил Бош қомусимиз қабул қилинганлигининг 23 йиллигини кенг нишонладик.

Ана шундай шодиёналардан бири 4 декабрь куни институтимиз маданият саройида бўлиб ўтди. Ингилишни институтимиз ректори, профессор А. Холбе-

ков табрик сўзи билан бошлаб берди. Ректоримиз ўз нутқида ўтган бир йиллик давр мобайнида институтимизда бўлган ўзгаришлар, қўлга киритган ютуқ ва марраларимиз ҳақида атрофлича тўхталди. Конституцияимизда белгиланган принциплар ҳақида сўзлар экан, «Давлатимиз томонидан миллий таракқиётимизда ҳал қилувчи ўрин тутадиган яна бир ўта муҳим ва долзарб масала турли миллат ва этник гуруҳларнинг бирдамликда ягона миллат бўлиб яшашига қаратилган. Жумладан, Ўзбекистонда 137 дан зиёд миллат ва элат вакиллари истиқомат қилади. Ҳозирги кунда мамлакатимиздаги миллатларaro аҳиллик ва тотувликни таъминлашда хизматлари катта бўлганини 27та миллат вакиллари томонидан тузилган 150га яқин миллий маданий марказларнинг фаолият олиб бораётганида кўриш мумкин», - дея таъкидлаб ўтди.

Шундан сўнг миллий ғоя, маънавий асослари ва ҳуқуқ таълими кафедраси ўқитувчиси С. Шодиев, талабалар номидан ўзбек тили ва адабиёти йўналиши талабаси, Навоий номидаги Давлат стипендиyesi соҳибси О. Одиловлар сўзга чиқиб, йигилиш иштирокчиларини муборакбод этдилар.

Тадбирнинг махсус қисмида институтимизнинг бир гуруҳ профессор-ўқитувчиларига давлатимизнинг нуфузли нишонлари ва ҳукуматимиз фахрий ёрлиқлари тантанали равишда топширилди.

Тантанали йигилиш мусиқий таълим йўналиши талабалари томонидан тайёрланган бадиий кечага уланиб кетди ва иштирокчиларда катта таассурот қолдирди.

Дилшода ШУКУРОВА,
«Зиё чашмаси»нинг
жамоатчи мухбири

